

## **Nàmbaa sicyɛere finintanhani**

Nàmbaa sicyɛere pi maha sà fini tánhana dùge kàntugo yyére. Wà na nyɛ tɔ̀rɔ̀ncemɛ, wà sí nyɛ nyitangiifoo, wà sí nyɛ niŋgyitangiifoo, u sanŋi sí nyɛ tugunɔ̀ncemɛ. Cyiin niŋkin nuŋ'i dùge sí maha jyiile. Pi à u tánhana a kwò ke, ka tugunɔ̀ncemɛ si finizhahani tugo. Pi à pa a dùge jyiili ke, ka finimbilini là si ɲcwo dùge lwɔ̀he e. Ka niŋgyitangiifoo si jwo: «Finimbilini là à cwo lwɔ̀he e!» Ka tɔ̀rɔ̀ncemɛ si finiŋi tɔ̀rɔ̀ maa jwo: «Sèe, niŋkin naha à fô!» Ka nyitangiifoo si jwo: «Mii naha a li ɲya!» Maa ntîg'a li wwû. Pire nàmbaabil'e, jo u à jo jà ye?